


www.BibleForChildren.org


Mbomannahb 1




Go mbomannahb Esowo
limi elbung abola ndi.



Ndi jolo nnehme nehme, agburu
alab bulu ndi kpee, a akpang
enye jolem, al ahb bulu njini
kpee, ejanng e konngo edi
ajehng ajehng, Etohko ji
Esowo jo fonngo yanng
go ero alahb ma
bulu o kpee.



Esowo kehm bungu re, <<Nong ellenge jol>>, ellenge soro jol. Esowo lungu ellenge re, <<Efung,>> fere lung ejanng re, <<Atv.>> Elgung j'jol, efungfu j'jol, owo jolo ngbokambang efung.




Esowo kehm bungu re, <<Nong ewuungu jol yab alahb
ma li go ero, a ma li ga ndi.>> Esowo kehm lungu
ewuungu re, <<Elbung.>> Elgung j'jol, efungfu j'jol,
owo biingi etoono efung.




Esowo kehm bungu re, <<Nong alahb ma li ga nla elbung temme feere edi anyehng, nong ndi nyi ma wum lohng.>> Ano wo jolo no. Esowo lungu ndi nyi ma wum re, <<Ndi,>> fere lung alahb ma temme feere edi ajehng re, <<Agburu aya.>> Esowo nyehne re ebnob.




Esowo kehm bungu re, <<Nong nti a ajele jini go ndi,
ajele nya kpo kab amohk, a nti nyi kpo kab akab, a
amohk atahng, go nkohnankohn.>>Ano wo
jolo no. Elgung j'jol,
efungfu j'jol, bi biingi
nfunc era.




Esowo kehm limi agburu nlennge na abal, ni ga gbal
jo ya efung, ni ki ga gbal jo ya atv. Á tob
limi alonlo. Elgung j'jol, efungfu
j'jol, bi biingi nfung eni.



Esowo kehm bungu re,
<<Nong ajoobo enyam
nya li go elkpin rur go
alahb, nong nruk jol jo
fonngo yanngge go ero
elbung.>> Elgung j'jol,
efungfu j'jol, bi biingi
nfunc elon.




Esowo kehm bungu re, <<Nong enyam jini go ndi, bi li nkohnankohn, atohkondi, a enyam bi kpo tohng ala go ndi, a enyam ekulugbe go nkohnankohn. Ano wo jolo.>>




Esowo kehm bungu re, <<Nong wahr limen nne go egahre elfoongo, á jol ana wahr, nong bo jo fili nsahre nyi li go alahb, a nrur nyi kp'fonngo go elbung, a atohkondi, bo tob jo fili njini kpee, a enyam bi kpo tohng ala go ndi.>> Esowo kehm seenge nsol kpee nyi á ma lim nyehn re ebnob sehng. Elgung j'jol, efungfu j'jol, bi biingi nfung erakera.




Jehova Esowo bumu nne no á lim-e no go etahngga ji
Eden re á jo lim eltum, fere jo kuuru edi jjo.



Jehova Esowo kehm
kake nne noa ejehke
re, <<Á bahke ma jo li
akab nti anyehng
anyehng etahngga
jia; sehngem re eti jio
ji elkahne ebi, a
nnobo nobo. Tibre
efung bi a l'si l'li, a
bahke tiki kpoko.>>



Ano wo nne noo gungu atohkondi
abing kpee, a nruk, a nruk nyi
kp'fonngo go ero, a enyam
ekulugbe. Ngare nyia Adam ka
bel nkakebo no fuumu a ne.



Jia limi Jehova Esowo kehm bumu Adam ellu, á la
kp'kpoodo, eji á jo la Esowo kehme yehke nk'keh
anyehng fere feere edi jio bulu. Ano wo Jehova Esowo
ko nk'keh nyi á ma yehke goji
nnenlum lim nnenkal, fere
ko-e ba ka nnenlum.




Esi jia ji wahnge nne bahke tahme nde
a nnyehn sa, bo song jol ajehng a nkal
ewe, bo bahke fere jol ngubjing
anyehng.



Esowo njini kor-e na, wo, á rodo
Mmon mmon awohng ewe ka re, nne
awohng awohng no l'taame tv-e, á
nehm tiki kpo tan, á kpi elkpin
ni li go njinanjini.



1



60



Rom 3:23

tibre ane kpee eblim abiafem. Ellub ni Esowo ebrin bo.

Rom 6:23

Tibre nsehng nyi abiafem, elkv ni. Ayare nya Esowo ka-
mbol mbol, elkpin ni li go njinanjini ni, ni sehng go
abo nya Jisos Kraist Ntul ewahre.

Hibru 9:27

Ana nne awohng awohng bahke kpoko nkpelkpel anyehng,
kehm song yiimi go eti elam ji Esowo,



Efesus 2:8,9

Tibre nnoobo nyi Esowo nyi wahnge m ma bel eltahre tib go egahne eltaame, wahn sang wahnge, ayare nya Esowo nya. M belem eltahre tib go eltum alimi, eji nne awohng awohng l'k'jo wor nnyo.

Rom 10:9,10

Tibre a l'fere yiimi ntianse re, "Jisos Ntul wo," fere taame go ega eltim re, "Esowo nyahm-e nyahme go elkv," a bahke bele eltahre. Tibre nne no ma taame go ege eltim, ye wo ma li eno go esamahr bi Esowo. Nne no kp'yiimi ntianse ka Jisos, ye wo ma bel eltahre.



Jon 3:16,17

Esowo njini kor-e na, wo, á rodo Mmon mmon awohng ewe ka re, nne awohng awohng no l'taame tv-e, á nehm tiki kpo tan, á kpi elkpin ni li go njinanjini. Tibre Esowo tumem Mmon ewe tv go njini nyia re á ba ka njini ebi. Á tum-e re á ba tahre njini nyia.

1 Jon 5:11-13

A wo li ntianse nyi li re, Esowo ma-r ka elkpin ni li go njinanjini. Elkpin nio ni li goji Mmon ewe. Nne no l'ko Mmon, á kpi elkpin. Nne no tohko ko Mmon no Esowo, elkpin á kpimm. N kp'nyono nwer nyia tv wahn ji ma taame tv mbing nyi Mmon no Esowo, eji n' l'kahn re, n' kpi elkpin ni li go njinanjini.



Mbomannahb 1-2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: Bob Davies, Tammy S.

Ekajuk Bible (eka) ©2024 Luke Initiative for Scripture
Translation

<https://www.bible.com/en-GB/bible/3992/GEN.1.EKA-011>

©2026 Bible for Children, Inc.

www.M1914.org

www.bibleforchildren.org

